

22.04.2020թ.

ք. Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ՈՐՈՇՈՒՄ թիվ 410837/05
ՎԱՐՉԱԿԱՆ ԻՐԱՎԱԽԱՒԱՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, ուսումնասիրելով 22.04.2020թ. թիվ 12046 վարչական իրավախախտման վերաբերյալ արձանագրությունը, քննելով վարչական իրավախախտման վերաբերյալ թիվ 12046 գործը և կից նյութերը,
ՊԱՐԶԵՑԻ

Համաձայն հարկային մարմնում առկա անձնական հաշվի քարտի տվյալների <<ՄԱՆԵ ԲԱՐ>> ՍՊԸ-ի (ՀՎՀՀ 00917792, հասցե՝ ՀՀ ք. Երևան Ագաթանգեղոսի 7 261) հարկային պարտավորությունները 24.03.2020թ-ի դրությամբ կազմել են 231.246 դրամ, որից 217.071 ՀՀ դրամ գումարն առաջացել է 2020թ-ի փետրվար ամսվա եկամտային հարկի հաշվարկից: 2020թ-ի փետրվար ամսվա եկամտային հարկի հաշվարկից առաջացած 217.071 ՀՀ դրամ հարկի գումարը <<ՄԱՆԵ ԲԱՐ>> ՍՊԸ-ի տնօրեն Հրանտ Պետիկյանի կողմից ՀՀ Հարկային օրենսգրքի 158-րդ հոդվածի 1-ին մասով սահմանված ժամկետում չի վճարվել, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով:

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի վերաբերյալ, չի ներկայացել:

Գործում առկա չեն բացատրություններ, լրացուցիչ ապացույցներ և միջնորդություններ:

Նկարագրված արարքի համար նախատեսված է պատասխանատվություն Վարչական իրավախախտումների վերաբերյալ ՀՀ օրենսգրքի 170³ հոդվածով, սակայն ՀՀ-ում հայտարարված արտակարգ դրության ընթացքում ՀՀ պետական եկամուտների կոմիտեի կողմից մինչև 1.5 միլիոն ՀՀ դրամ չկատարված հարկային պարտավորությունների գանձմանն ուղղված գործողությունների չիրականացմամբ պայմանավորված, հիշյալ սահմանաչափը չգերազանցող պարտավորությունների չկատարման մասով կատարված զանցանքները դիտվում են որպես նվազ նշանակություն ունեցող արարքներ:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 21, 244², 281 հոդվածներով և 282 հոդվածի 1-ին մասի 2-րդ կետով՝

ՈՐՈՇԵՑԻ

1. Հրանտ Պետիկյանին ազատել վարչական պատասխանատվությունից և հայտարարել բանավոր դիտողություն:

2. Հրանտ Պետիկյանի վերաբերյալ հարուցված թիվ 12046 վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ

Ա. ՄՆԱՑԱԿԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականության կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ գանգատ կարող է տրվել որոշումն հանձնելու օրվանից հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել գանգատը քննելու համար իրավագոր մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: